

## **MEMORIA ECONÓMICA E XUSTIFICATIVA SOBRE O CONVENIO DE COLABORACIÓN ENTRE A XUNTA DE GALICIA, A FEDERACIÓN GALEGA DE MUNICIPIOS E PROVINCIAS E AS DEPUTACIÓN PROVINCIAIS, EN MATERIA DE EMERXENCIAS E PREVENCIÓN E DEFENSA CONTRA INCENDIOS FORESTAIS, PARA O DESENVOLVEMENTO DOS GRUPOS DE EMERXENCIA SUPRAMUNICIPAIS.**

### **ANTECEDENTES**

O día 10 de maio de 2013 o Consello da Xunta de Galicia autorizou a subscrición do convenio de colaboración entre a Xunta de Galicia, a Federación Galega de Municipios e Provincias (en adiante FEGAMP) e as Deputacións Provinciais, en materia de emerxencias e prevención e defensa contra incendios forestais, para a creación e implantación dos grupos de emerxencia supramunicipais, que contén unha autorización de gasto de carácter plurianual, abrangendo dende o ano 2013 ata o ano 2015.

O día 13 de maio de 2013 asinouse polas partes o referido convenio de colaboración, que ten por obxecto a colaboración das distintas institucións participantes en orde a completar o mapa de emerxencias de Galicia mediante a implantación dos Grupos de Emerxencias Supramunicipais (GES), como grupos operativos en emerxencias de ámbito supramunicipal, para a realización das funcións previstas na cláusula terceira do propio convenio.

O día 3 de decembro de 2013 asinouse unha primeira addenda ao devandito convenio de colaboración subscrito entre a Xunta de Galicia, a FEGAMP e as deputacións provinciais, co obxecto de introducir algunhas modificacións ao clausurado. No convenio establecíase a creación de 25 grupos de emerxencias supramunicipais e se completaba a nova rede de emerxencias cos servizos municipais de Pontearreas, Sanxenxo e Terras de Celanova. En virtude da citada addenda e logo da renuncia á creación do seu respectivo grupo presentada polos concellos de Pontecaldelas e Redondela en Pontevedra e de Baños de Molgas en Ourense, pretendeuse a constitución doutros tres grupos que virían a substituír aos citados. Estes novos grupos son os dos concellos de Valga en Pontevedra e de Maceda e Pereiro de Aguiar en Ourense. Os GES de Valga e de Pereiro de Aguiar constituíronse e están en funcionamento. O concello de Maceda non foi capaz de constituír o seu GES polo que foi necesaria e conveniente unha nova reestruturación do ámbito de actuación e cobertura dos GES que posibilite a aplicación dos recursos públicos destinados a este fin e dar servizo ás zonas que o precisan.

Como consecuencia da non constitución do GES Maceda tramitouse unha segunda addenda, incluíndose a compartimentación do GES da Gudiña, mediante o establecemento dunha subsede en Laza, e o aumento do número de efectivos totais deste GES que pasaba dos 12 membros a 18 membros, polo incremento de 6 efectivos máis con base en Laza. E ampliábanse en 3 novos efectivos os grupos de Ribadavia/Avión e Lobios/Muíños ata acadar os 19 compoñentes. Así mesmo, procedeuse a detallar o financiamento dos Servizos Municipais, para aclarar a distribución das achegas que deben realizar a Dirección Xeral de Emerxencias e Interior, cada un dos concellos sede ou subsede e, de ser o caso, a respectiva Deputación



Provincial, así como a natureza e distribución dos gastos de funcionamento dos GES que financia a Dirección Xeral de Administración Local.

O convenio, xunto as súas addendas, tiña un período de vixencia dende o ano 2013 ata o ano 2015. Xa que dito convenio remata o 31/12/2015, enténdese necesario tramitar a terceira addenda á fin de manter o obxecto e fins da súa sinatura ampliando o período de prestación de servizo dado polos grupos de emerxencia supramunicipal (GES) outros tres anos (2016-2018), prorrogando así o período do convenio. Doutra banda e como consecuencia da experiencia acadada na execución do convenio introdúcese determinadas modificacións co gallo esencial de ampliar os terreos onde se pode actuar así como o repertorio de posibles actuacións en materia de prevención de incendios facendo máis eficaz esta labor e, en adición, modifícase o reparto dos fondos dedicados a prevención contra incendios, toda vez que o GES Maceda non se constituíu finalmente.

Como consecuencia da non constitución do GES da Fonsagrada tramitouse unha cuarta addenda, no que o concello de Baleira se configuraba como sede GES na provincia de Lugo.

A quinta addenda ten como obxecto modificar a natureza dos fondos que aporta a Consellería do Medio Rural a través da dirección xeral de Ordenación Forestal incrementando o financiamento cun millón de euros de fondo propio da Comunidade Autónoma e diminuíndo a aportación do PDR de Galicia 2014-2020, cofinanciado polo Fondo Europeo Agrícola de Desenvolvemento Rural (FEADER), na mesma cantidade para facilitar a execución do convenio por parte dos concellos adheridos. Amais inclúense como actuación financiable a publicidade FEADER a través de cartelería por ser un requisito da xestión deste tipo de fondos.

O convenio, xunto as súas addendas, tiña un período de vixencia dende o ano 2013 ata o ano 2018. Xa que dito convenio remata o 31/12/2018, enténdese necesario tramitar un novo convenio á fin de garantir a prestación de servizo dado polos grupos de emerxencia supramunicipal (GES) outros tres anos (2019-2021).





## RELACIÓN DE ACTUACIÓNS CONCRETAS OBXECTO DE COLABORACIÓN

a) Actuacións de definición das redes de faixas de xestión da biomasa e investigación da propiedade e estado da biomasa, que incluírá:

1. Identificación das referencias catastrais ou códigos de parcela SIXPAC das parcelas incluídas nas redes de faixas secundarias de xestión da biomasa, así como da rede das pistas, vías, camiños, estradas e montes de titularidade municipal.
2. Investigación da propiedade das redes de faixas secundarias de xestión de biomasa forestal e redacción de informe de xestión de biomasa consonte ao establecido na normativa autonómica de prevención de incendios forestais.

b) Actuacións de silvicultura preventiva: Prácticas preventivas, de carácter local e a pequena escala, para crear discontinuidades verticais e horizontais da cuberta vexetal, mediante rozas en terreos da titularidade municipal ou de propietario descoñecido.

Para os efectos deste convenio as actuacións en materia de desbroces defínense claramente as superficies elixibles:

1. Vías e camiños forestais, áreas cortalumes ou nas súas faixas de xestión da biomasa de titularidade municipal.
2. Camiños reais e históricos.
3. Superficies sobre as cales a entidade local teña cesión de aproveitamento, uso e/ou disfrute realizada por parte das persoas responsables de acordo co artigo 21 ter da lei 3/2007, de 9 de abril, de prevención e defensa contra os incendios forestais de Galicia.
4. Superficies de propietario descoñecido, previa acreditación de dita condición.
5. Zonas de servidume de camiños e valgadas dentro das zonas de xestión de biomasa.

c) Recuperación do potencial forestal danado por pragas, mediante as actuacións de prevención da praga da avespa asiática (*Vespa velutina*) en terreos forestais ou zonas de influencia forestal tales como a eliminación de niños.



## **RAZÓNS QUE ACREDITAN O PROCEDEMENTO DE CONCESIÓN DIRECTA**

En relación co disposto no artigo 40.2.a) do Decreto 11/2009, do 8 de xaneiro, polo que se aproba o regulamento da Lei 9/2007, de subvencións de Galicia, as razóns que acreditan o interese público e polo tanto a concesión directa destas subvencións derivan de que a realización do maior número posible de actuacións, non so para as administracións asinantes, senón para a cidadanía en xeral, dado que, estas tarefas, contribúen a minorar e mesmo a evitar as consecuencias económicas e ambientais das emerxencias e dos incendios forestais.

## **ACHEGA ECONÓMICA PARA A EXECUCIÓN DAS ACTUACIÓNS**

Os Grupos de emerxencias supramunicipais financiaranse polas seguintes partes asinantes do convenio:

- A Xunta de Galicia, a través de Vicepresidencia e consellería de Presidencia, Administracións Públicas e Xustiza e a Consellería de Medio Rural
- As Deputacións Provinciais
- Entidades locais que se adhiran a este convenio.

A contribución ao financiamento da Vicepresidencia e Consellería de Presidencia, Administracións Públicas e Xustiza, en materia de emerxencias para os GES e Servizos Municipais xa creados e as posibles ampliacións fixarase en:

1. Para o financiamento dos servizos municipais: douscentos sesenta e dous mil cincocentos euros 262.500€ para o ano 2019, douscentos sesenta e dous mil cincocentos euros 262.500€ para o ano 2020 e douscentos sesenta e dous mil cincocentos euros 262.500€ para o ano 2021, financiándose con cargo aos orzamentos xerais da Comunidade Autónoma de Galicia. Esta cantidade será financiada pola Dirección Xeral de Emerxencias e Interior.
2. Para o financiamento dos GES e servizos municipais catrocentos oitenta e oito mil dous centos cincuenta euros (488.250€) para o ano 2019, catrocentos oitenta e oito mil dous centos cincuenta euros (488.250€) para o ano 2020 e catrocentos oitenta e oito mil dous centos cincuenta euros (488.250€) para o ano 2021. Esta cantidade será financiada pola Dirección Xeral de Administración Local.

A contribución ao financiamento da Consellería do Medio Rural en materia de extinción de incendios fíxase en tres millóns cincocentos oitenta e un mil douscentos cincuenta euros (3.581.250€) para o ano 2019, tres millóns cincocentos oitenta e un mil douscentos cincuenta euros (3.581.250€) para o ano 2020 e tres millóns cincocentos oitenta e un mil douscentos cincuenta euros (3.581.250€) para o ano 2021, financiándose con cargo aos orzamentos xerais da Comunidade Autónoma de Galicia. Esta cantidade será financiada pola Dirección Xeral de Ordenación Forestal.



A contribución ao financiamento por parte das entidades locais será efectuada directamente por cada entidade local aos traballadores contratados, con cargo aos seus respectivos orzamentos na contía que lle corresponde, segundo o anexo II ascende a un total de 651.000,00 €.

A contribución ao financiamento das Deputacións é a que segue:

Deputación	Composición grupos 12/16/18/19	GES	Servizos municipais
A Coruña	7/0/0/0	784.000,00 €	-
Lugo	7/0/0/0	784.000,00 €	-
Ourense	3/0/1/2	838.666,66 €	62.000,00 €
Pontevedra	3/1/0/0	481.333,33 €	124.000,00 €
Non asignados	3/0/0/0	336.000,00 €	62.000,00 €
TOTAL		3.472.000,00 €	

A Consellería do Medio Rural para a realización das actuacións en materia de prevención de incendios forestais achega ao presente convenio dous centos vintecinco mil euros (225.000 €) para o ano 2019, dous centos vintecinco mil euros (225.000 €) para o ano 2020 e dous centos vintecinco mil euros (225.000 €) para o ano 2021, que serán cofinanciados con fondos FEADER, con cargo á aplicación orzamentaria 14.02.551.B.760.0, de acordo co especificado no anexo IV.

A porcentaxe a subvencionar será do 100% do investimento elixible ou subvencionable, sometida a unha cofinanciación do 75% de fondo FEADER, dun 7,5 % pola Administración Xeral do Estado (AXE) e nun 17,50% pola Xunta de Galicia.

Santiago de Compostela,

O director xeral

Tomás Fernández-Couto Juanas

